

De grens

Grenze zin neet va göster of huu
dènkelik al zoeë oud es de luuj.
Want jieëderree haet, allich
gaer ee sjtökske landj, alleen vuur zich
woeë hae mit vrouw en kènjer, heum gegaeve
tevreije en röstig kent laeve.

Diej rös woar al èns va korte doer
en 't laeve waal èns zoer
es hae mit handj en tandj
moos besjerme zie sjtökske landj
taege vraeme en soms buure
och dat kos waal èns gebuure.

De poal dae op de grens sjtong
waal èns va de plaatsj aafgong
mer neet vazelf natuurlik
de ruzing doa om dan behuurlik
ouw processjtökker bewieze dat
doava zin vuurbeelde zat.

Biej buurdörper of noabersjtac
woar dae grens hieël dèks de rae.
Ooch tössje lenj ruzing onsjtange
en is eene oerlog aagevange
omdat de ene, dat is toch te dol
zie landj ee sjtök groeëter make wol.

Tössje de dörper van Ongerbanke
en doa moge vier God vuur danke
gebuurt dat noew neet mieë.
Want de lètste grenspoal is i twieë,
alleen ee sjtumpke sjteet nog doa
in de Sjwartseberg, zie werk is gedoa.